

山行戲裝地仙狀

披煙客過蓑衣嶺
冒雨人歸斗笠山
莫道龍蛇捉不住
長歌已在白雲間

山行夜過清暉閣

拍手時吟嘯徐徐
度翠微千崖新雨洗
萬嶂溼雲飛
夜閣琴聲靜
秋階草色肥
冷然清興遠
倚樹立巖扉

九峯山

渡江飛上翠微顛
九頂濛濛秀入煙
我自清音亭畔望
東來一鶴似坡仙

閒眺

道藏輯要

三丰全集 古今詩類

六

續畢集九

山借雲霞藏峻骨
水將舟舫送行人
乾坤一覽饒吟興
造物原來各有因

初春

春風送我鶴車馳
又到仙壇小集時
新李初含雪白蕊
嫩桃都放水紅枝
隔年乍別重相聚
今日齊逢笑詠詩
不用拘拘守繩尺
乾坤煙景盡堪思

岳陽樓晚步

蟲聲唧唧透牕幽
一片新涼已似秋
殘雨尚聞檐際落
暮將長笛倚高樓

歸去來